

金史詳校

金史詳校卷八上

烏程施國祁學

卷七十九

鄺瓊傳

北渡淮 北元作比是

兵馬鈴鐻 鐻當作轄

附于齊 鶴林玉露紹興中劉光世在淮西軍無紀律張
魏公爲都督奏罷之命參謀呂祉往廬州節制光世頗
得軍心祉儒者不知權變繩束頗嚴諸軍憤怨統制鄺
瓊率衆縛祉渡淮歸劉豫魏公方宴僚佐報忽至滿座
失色公色不變徐曰此有說第恐彼覺耳因樂飲至夜

分乃爲蠟書遣死士持遺瓊言事可成成之不可速全
軍以歸豫得書疑瓊分隸其衆困苦之邊賴以安

知拱州 僞齊錄廢齊後差除合

頗聞秦檜當國用事 案金源植檜陰肆狡謀故帝紀中
絕不一見而瓊論及之真不知者以爲爲因者宗弼喜
爲知言瓊適墮其元中而不自覺也

委其鈐鏑衛經 鏑當作轄

八年 此上當加皇統

李成傳

累官淮南招捉使 捉北作提非

齊廢 僞齊錄差除爲殿前太尉知許州

起爲真定尹 案會編云中山府非

年六十九 直齋書錄解題征蒙記金人明威將軍登州
刺史李大諒撰建炎鉅寇之子隨其父成降金者也中
州集史學優傳妻李氏國初河南尹成之女孫小詩殊
有思致學優嘗客京師有所眷久而不歸李作詩寄之
云百年風樹底誰淚到君前學優得詩卽日命駕 案
成以盜起家而能善其後其去孔彥舟遠甚史臣指爲
盜賊之靡槩以爲不足責過矣

孔彥舟傳

齊國廢 僞齊錄差除爲步軍都指揮使兼東平府

改南京留守 南當作西 案會編正隆元年知西京

竟死於汴 煬王江上錄有人譖彥舟者賜酒醢之彥舟
捧爵跪飲見其背上彫青問曰何物也彥舟曰臣少時
不成器教人刺來曰卿如今成器敢做甚彥舟股慄命
充南京留守起行至路藥發而死

徐文傳

人呼爲徐大刀 部曲錄徐文本朝舊人徐大刀是也知
萊州以控海道

齊國廢 僞齊錄差除爲汴京總管府水軍都統制

施宜生傳 梃史施宜生福人也少游鄉校有僧過焉與之言引之鱸堂下風簷杲日援手周視曰面有權骨可公可卿而視予身之毛皆逆上且覆腕然則必有以合乎此而後可貴也時范汝爲訂建劍宜生心欲以嚴莊尙讓自期而未脫諸口聞其言大喜杖策徑謁汝爲恨得之晚亟尊用之亡何而汝爲敗變服爲傭渡江至泰有大姓吳翁者家僮數千指宜生傭其間三年人莫之覺也翁獨心識之一日屏人問曰天下方亂英雄鏖跡亦理之常我觀汝非傭必以實告不然且捕汝于官宜生不服翁曰汝動作皆傭而微有未盡同者余曰者燕

客執事咸餒而汝獨遜諸儕撤器有噫聲此魚服而角也我固將全汝而何以文爲宜生驚汗亟拜曰主實生我不敢匿遂告之由翁曰官購方急圖形遍城野汝安所逃龜山有僧可託以心予交之舊矣介之人北策之良也從之翁贖之金隱之納至寺服緇童之服以求納主僧者出儼然鄉校之所見也啓緘而留之數旬夜濟宜生于淮曰大丈夫富貴命耳予無求報心得志毋忘中國逆而順天所祐也金法無驗不可行遂殺一人于道而奪其符以至于燕金有附試畔歸之士謂之歸義試遂捷逆亮時有意南牧校獵圍中一日而獲三十六

熊廷試多士遂以命題宜生奏賦曰聖天子講武功雲
屯八百萬騎日射三十六熊亮喜擢第一不數年仕至
禮部尙書宜生方顯時龜山僧至其國言于亮而尊顯
之俾乘驛至京東視海舟號天使國師不知所終 案
宜生事又見耆舊續聞

爲本部郎中 癸辛雜識汴梁普賢洞記石碑甚雅金皇
統四年四月一日奉議大夫行臺吏部郎中飛騎尉施
宜生撰并書

召爲翰林直學士 日下舊聞考萬壽寺戒壇前已泐金
碑一翰林直學士施宜生撰貞元三年立

竟從范汝爲於建劍 事見耆舊續聞六卷

試一日獲熊三十六賦 貴耳集施宜生改名方人也入
大金會爲奉使來館伴因語三十六熊賦云雲屯八百
萬騎以八百萬騎對三十六熊何其鮮哉宜生語塞大
抵南北二使皆不深書司射所載熊卽侯也非獸也

張中孚傳 趙德麟侯鯖錄老种太尉師道豫知金人反
覆上進二詩多爲張六太尉者收藏不達劉祁歸潛志
國初張六太尉鎮西邊有鄧干江上望海潮詞案中孚
行六卽此

乃獨率步曲 步元作部是

天會九年 九已作八

齊國廢 偽齊錄差除爲涇原安撫合

中孚遂入宋 北盟會編紹興九年三月永興軍路經略
安撫使張中孚及其弟中彥來朝郭奕爲之詩曰張中
孚張中彥江南塞北都行徧教我如何作列傳人皆道
之

至汴 會編金元帥第六書據張中孚節使及弟中彥鄭
億年資政各係汴梁及陝右人氏早歲朝廷皆嘗委以
近上職任與餘人不同今逐家親族及地產俱在本鄉
此三人者幸乞指揮并隨行家眷起發前來團聚復業

中孚天性孝友 案贊中譏中孚中彥忘親事讎反復趨利不顧綱常傳乃稱其孝友何其矛盾

張中彥傳

爲本路兵馬鈐轄 轄元作錯非

爲秦鳳經略使 偽齊錄差除爲秦鳳安撫

與環慶趙彬 偽齊錄差除合

以爲龍神衛四廂都指揮使清遠軍承宣使提舉佑神觀靖海軍節度使 二十八字當削 案詳敘宋官似屬無謂

訟牒紛緒 緒元作紘是

轉眞定尹 部曲錄張忠彥本朝發還人亮寇淮甸除步
軍都統後除眞定總管

宇文虛中傳 宋史三百七十一卷有傳 閭山懸巖寺
題名見滏水集詩

且視康王安否頃之臺諫以和議歸罪虛中罷爲青州復
下遷祠職建炎元年貶韶州 三十三字當改作且往
來議割三鎮宋以不職貶其官

二年康王 當改作天會六年宋康王

詔復資政殿大學士爲祈請使 資政殿大學士六字當
削

寶天會六年也 此句當削

朝廷方議禮制度 王繪紹興甲寅通和錄金接伴官李
聿興言本朝目今制度並依唐制如衣服官制之類皆
是宇文相公同蔡大學并本朝十數人相爲平議某問
蔡大學見任何職荅曰乾文閣待制他兒子松年見在
三太子處作令史近來本朝又爲于燕山一萬貫錢買
一所宅子大學云勝于他汴京宅子又言宇文相公直
歡喜嘗說道得汴京時歡喜猶不如得相公時歡喜如
今直是通家往來時復支賜宅庫裏都滿也

明年洪皓至上京見虛中甚鄙之天會十三年 十八字

當削

惟孟庚 庚當作庾

攜家北來 此上當加因之

俱有文集行于世 案盧中文有證類本草序又有增諡
冊文集禮云又大同府興雲橋記學古錄引之又濟陽
雜記敬齋古今艱引之

王倫傳 宋史有傳與宇文虛中同卷

王勉元孫 王字當削 勉當作旭

撻懶太祖從父兄弟 至 宗雋太祖子也 七十九字當削

撻懶宗磐宗雋三人 懶下當加與

宋以倫爲端明殿學士簽書樞密院事 十五字當削作

宋遣倫

保信軍節度使藍公佐副之 十一字當削

皆以謀反屬吏至捕而殺之于邢州 七十七字當削作

皆以謀反誅

閔進奉狀稱禮物不言職貢 案建炎通問錄云以兩桌

載朝廷禮物以二十八桌載使人私覲禮物紹興通和

錄云所攜禮物六分粘罕以下皆有之獨不及金主萬

一親到金廷何以藉手又云有上大金皇帝表二聖二

后表丞相元帥物錄六封乞留軍前譯者言上皇帝表

且留下其餘將去蓋當時國裏朝廷節制甚遠宋人但知西朝廷進奉而已及至兩國議和後親至上京表文失檢其積弊然也富鄭公有云兩國和好則利歸人主不和則利歸臣下此言確盡情事

遣其副藍公佐歸

至

已渡淮

二十七字當削

宋人請和

四字當改作宗弼伐宋畫淮許宋和

三年二月宋端明殿學士何鑄容州觀察使曹勛

三當

作二

宋下當加遣

端明殿學士五字當削

容州

觀察使五字當削

年六十一

案修史者六人

沙刺班王理伯顏趙時敏費著商企翁

此人稍

讀宋人雜書者故于宋事小詳但忘其爲金史列傳與
宋何涉耶宇文虛中傳同又以撻懶宗磐宗雋等事詫爲罕見
行間夾敘入之不知諸人自有本傳何勞載筆

卷八十

目 熙宗二子 二當作諸

大莫 莫元作臭是

濟安傳

丁巳翦髻奏告天地宗廟 詳集禮

道濟傳

命爲中京留守 案高楨爲同判見本傳

贊 諳班勃極烈者漢語云最尊官也 十三字當削

斜卯阿里傳

阿里乘之 阿里當削作遂

阿里先登 阿里當削

幹塞 卽幹賽

阿里兵少 阿甲當削作我

牛馬相食其駱尼 駱當作髮

告急於阿里 於阿里三字當削

阿里以騎兵邀擊 阿里當削作復

阿里以八謀克兵 阿里當削作將

聞阿里來救 阿里當削

阿里散篤魯忽盧補三猛安 阿里當削作與

阿里與婁室 阿里當削

阿里與謀克常孫陽阿 阿里當削

還攻趙州降之、事在天會五年十二月名始見紀
時康民 此上當加宋將

阿里使諸軍 阿里當削作乃

阿里與蒲盧渾 阿里當削

阿里斜喝韓常三猛安 阿里當削作與

詔賜阿里錢 阿里當削

謚智敏 此下當加大定間定亞次功臣圖像衍慶宮

阿里終與之 阿里當削

突合速傳

生擒其將 此下當加還

宗輔駐師鄧州 宗輔當作銀朮可

贈應國公 此上當加大定間定亞次功臣圖像衍慶宮

贈特進

烏延蒲盧渾傳

遂將漢兵千 千下當加人

睿宗爲右輔元帥

至

遂拔和尚原

輔當作副

二十二

字當削

并親管謀克 此下當加後定亞次功臣圖像衍慶宮

赤蓋暉傳

故嘗以張爲氏 案山東通志密州諸城縣學碑貞元間
副樞密張暉建卽此又海紀多作張暉

後家萊州 萊已作來

領萊陽遷潤四州 萊已作來

加桂州管内觀察使 見上合住傳未詳

出爲興平軍節度使 此下當加改北京留守

紀

謚曰武康 此下當加定亞次功臣圖像衍慶宮

大吳傳

吳王使吳 吳王當作閭母

吳王聞而壯之 吳王當作閭母

信德府 此上當加以

軍至濬州 此上當加明年

明年再伐宋 明年當作八月

吳爲河間路都統 節要建炎元年七月勃海萬戶大撻

不也屯兵河間

拜尙書右丞相 此下當加兼中書令

梁國公 此下當加大定間定亞次功臣圖像衍慶宮

大磐傳

以大臣子 案磐爲右驍騎副都指揮使討單州賊見海
紀海陵被弑驍騎指揮使大磐來救見完顏元宜傳傳
略

除嵩州刺史 案移刺趙三傳本刺登州以治狀不善下
遷傳略

員思忠 三字當削

紀

削四官 見世宗紀大定二十三年

阿离補傳

爲行臺左丞相 左當作右

徐國公渾黜 無傳 太祖紀甲午十一月遼將赤狗兒

戰于賓州僕廸渾黜敗之天輔六年八月辛丑中軍將
完顏渾黜敗契丹奚莫軍六萬于高州婁室傳攻黃龍
府上使完顏渾黜等以兵四千助之銀术可傳同拔离
速傳夫輔六年遼兵奄至古北口使婆廬火渾黜各領
二百擊之渾黜請濟師宗翰欲自往希尹婁室曰此易
與耳請以千人爲公破之渾黜以騎士三十人前行至
古北口遇其游兵遂入山谷遼人以步騎萬餘追戰亡
騎五人渾黜退據關口拔离速奮擊大破之希尹傳同

石古乃 石當作習

蒲察石家奴 案諸傳止稱蒲察突合速傳稱石家奴全稱者唯此傳

銀青光祿大夫蒙适 光當作榮 無傳 太祖紀收國

元年十二月追遼至護步荅岡完顏蒙括身被數創力戰不已功論最闢母傳孛堇蒙括等獲契丹九斤興中平又取南京時使僕朮蒙括兩猛安屯潤州脉吉傳屯兵高州以兵援蒙括孛堇烏延婆盧渾傳將兵千人隸完顏蒙括攻眞定宋主在揚州與蒙括將萬騎襲之烏孫譌論傳從蒙括攻東京及廣甯又再伐宋蒙括戍開州撻懶傳蒙括取趙州

阿魯補 此治訶子

鎮國上將軍烏林荅泰欲 無傳 太宗紀天會五年十
二月泰欲敗宋將李成于淄州闔母傳泰欲又破敵于
靈城鎮宗翰傳遣泰欲馬五襲宋主于揚州拔离速傳
同兀术傳泰欲攻王善軍二十萬克濮州又宗弼至江
甯泰欲以兵來會烏延吾里補傳與孛堇泰欲破賊王
義軍于州南

金吾衛上將軍耶律馬五 亦作馬哥無傳 余睹傳天
輔元年與都統馬哥軍于渾河銀术可希尹拒之馬哥
遁去盧彥倫傳遼將馬哥取臨潢彥倫拒守蒲家奴傳

助撻懶擊遼都統馬哥沃側傳從拔离速擊遼將馬五
敗之杲傳遼主西走都統馬哥奔擣里昌傳同宗賢傳
宗翰使撻懶襲馬哥宗翰傳諸將獲馬哥宗翰歸之京
師遼天祚紀保大四年正月馬五被執太宗紀天會六
年正月伐宋馬五取房州八年十一月馬五等擊吳玠
于隴州宗翰傳襲宋主于揚州馬五以五百騎先至城
下銀朮可傳招討都監馬五破宋兵于文水突合速傳
同穀英傳與都統馬五徇地漢上北盟會編節要建炎
元年七月屯兵于平陽四年四月牛皋擒金馬五太師
驃騎衛上將軍韓常 無傳 大金國志本傳字元吉燕

山人也父慶和在遼爲統軍太祖入燕常隨父降俱授千戶慶和入侵江南屢戰有功授副統屯真定正授雄州觀察使常善射以挽強見稱射必入鐵兀术渡江常爲先鋒至河南與向子諲戰子諲不能敵攻圍八月城破兀术自光黃間南渡令常先趨衢信以爲援兵兀术攻明州常以兵從與張俊戰于高橋俊遁兀术自江南歸論功仍陞爲萬戶都統屯河中府未幾隨兀术之陝西攻仙人關爲宋吳玠所敗常被南軍射損左目衆不能支遂回軍然亦以此受知于兀术兀术首尾陝西凡數年常必隨從其後順昌之戰常在白龍洲渦下寨距

城三十里宋劉琦以千餘騎擊之衆頗死傷兀朮旣敗以常守潁昌府方兀朮未征南之先常爲濬州守一日與其判官官茵論南北兵戰之事茵曰此非南人所能敵蓋決之也常曰不然今昔事異昔我強彼弱今我弱彼強所幸者南人未知北間事耳至順昌之敗其言始驗 阿魯補傳宗弼與許州韓常會于汴斜卯阿里傳睿宗趨熙州阿里斜喝韓常三猛安爲前軍宗弼傳戰富平陷重圍中韓常流矢中目怒拔去其矢血淋漓以土塞創躍馬奮呼搏戰遂解圍與俱出海紀正隆六年十月宋人逆戰猛安韓常軍卻遂失利高昌福傳許州

都統韓常用法嚴好殺人兵志正隆間嘗罷諸路漢軍
所存者猶有威勇威烈威捷順德及韓常之軍北盟會
編建炎四年七月太行義士石子明與金萬戶韓常戰
于真定大敗常軍紹興三十一年七月崔陟上劄子云
陳許二州兩千戶乃韓將弟韓致遠九百餘人前年已
放散歸國又宋史李全傳有韓常軍案韓慶和降在
天輔二年國志非

方傳

累官京兆少尹

官下當加同判大宗正

光英傳

詔戒之曰

案上文不載年次遂不知何帝之詔

簽書樞密院事 此上當加使宋還改表

初阿魯當授謀克未封而薨 魯下當加補 案卽上阿魯補然上傳云世襲謀克不合

卷八十一

鶻謀瑟傳

與弟胡麻谷渾坦 見斜卯阿里傳

迪姑迭傳

乙里補孛堇 案太祖紀收國元年作阿离本

阿徒罕傳

年六十五卒 當作卒年六十五

夾谷謝奴傳

長身多髯 髯當作力 案下文云旣冠不應多髯

首一父 元作隨其父是

西京未下 此上當加天輔六年

宗弼復取河南陝西 此上當加天眷三年 案此傳全

不紀年略補之

大定初卒 此下當加子查刺

黃摑敵古本傳

吾春被圍於西山 吾春未詳

蒲察胡蓋傳

十三年 三已作二

夾谷吾里補傳

暗土渾河人 卽庵吐渾津

救幹魯古于威州 威已作咸

遼主杲 主當作王

累官孛特木部族節度使 木元北並作本是

劇賊嘯聚 劇北作據非

王伯龍傳

三年 三已作四

獲馬五百匹 百北作十

四年 四已作六

五年 當作天會元年

紀

案此傳紀年多誤

進破孔彥舟酈瓊衆三萬於洺州 進當作還

十五餘萬 餘字當削

劉立 立當作平

天眷元年 元當作三

高彪傳

辰州渤海人 當作渤海辰州人 案遼金兩地志辰州

並無渤海縣此乃書渤海國之舊貫也

及仙人關 關元作關是

改忻州防禦使

忻當作沂

普照寺碑

溫迪罕蒲里特傳

隆州移离閔阿胡勒出寨人也

阿當作河

奔睹傳之

移里閔崇浩傳之因閔並是

皇統元年

當作天會六年

案文上自天輔壬寅至皇

統辛酉不應二十年無從征事且皇統止宗弼畫淮一

舉耳亦不應尙有唐州大名等戰事意改之

南京路遇敵軍

南當作汴

案金有兩南京平州稱南

京天會四年已更名汴梁稱南京貞元元年始建號是

時別無此路再燕山爲遼之南京亦安得有此無名兵

事審之究屬汴京乃史官謬用追書法其病與吾里補傳顯州之作廣甯同

改武衛軍都總管 案海紀三十二總管無此名

伯德特离補傳

及招降平州蘇州境內 蘇已作薊與元本合

安肅軍改爲州 改當作陞 州上當加徐志

耶律懷義傳

其子神都幹 卽移刺神都幹見世宗紀及窩斡子敬等

傳

蕭王家奴傳

祈州河間 祈當作祁

趙臧傳

臧子孫司徒張通古子孫皆不肖 劉靜修遺詩同仲韞
飲北溪詩注源泉者北溪也金大行人張通古故居今
爲巫覡所據

卷八十二

目 烏古論合三 合三元作三合是

郭藥師傳

甄五臣 中興叛逆傳作楊可世

藥師乃降 賈子莊陷燕記郭藥師降表略云臣素提一

旅之師偶遭百六之運大金有難通之路亡遼無可事之君宋主載加秦官是與念一飯之恩未報而六尺之軀可捐固知上帝之是依敢忘困獸之猶鬪昔也東征雖雷霆之怒可犯今也北面祈天地之量并容

太宗以藥師爲燕京留守 北盟會編靖康元年六月二十日丙辰斡离不發常勝軍歸本貫至松亭關盡殺之以郭藥師爲燕京留守斡离不至燕令常勝軍納馬及器甲弓劍南歸所部軍三千人行至涿州亦令納器甲至燕山又令納馬四月十八日榜云先起郭藥師常勝軍皆鐵州人久離鄉土墳墓仰于四月十八日盡歸本

處居住其千人長百人長等數十人往辭幹离不曰天祚待汝如何曰待我等厚趙皇如何曰待我等尤厚幹离不曰天祚待汝等厚汝反天祚趙皇待汝等厚汝反趙皇我無金帛與汝等汝定亦反我我無用爾等皆惶悚而退旣行遂遣女眞四五十騎以搜檢器用爲名至松亭關路無問老幼皆梃殺之取其財物由是起義八千人皆盡而藥師平日所謂爪牙者無類矣

賜姓完顏氏 案賜姓完顏者郭藥師郭仲元郭阿鄰董才汪三郎王狗兒李霆梁佐李咬住張甫張進張開國用安移剌眾家奴耶律慎思及子元宜

詔賜諸姓者 賜諸當作諸賜

郭安國傳

燒延殆盡 燒延已作延燒

以完顏元宜爲都統 此下當加制

皆殺之 部曲錄郭安國燕人藥師之子亮寇淮日爲先
鋒郭瑞孫安國之子亮時爲右護軍

贊 公叔座 座已作痊與元本合

耶律塗山傳

遙里相溫 案相溫當卽遼官常袞敝穩詳穩之轉聲亦
見茅齊自敘攷異云卽相公是也

爲西北路招討使 案弔伐錄宋主結搆余睹書云且有
西南招討太師同姓之助當卽此人但西南西北不符
未知孰是

烏延胡里改傳 此傳專載軍賞

獲車四百兩 兩北作輶

天德改同知平陽尹 德下當加間

改歸順軍節度使 順當作德

烏延吾里補傳

曷懶路禪嶺人也 禪下當加春

與孛太欲 孛下當加堇

入阿隴 阿已作河

蕭恭傳

坐問禁中起居狀 此上當加天德初

亦猶不謹 猶已作由

僕散渾坦傳

除慈州刺史 慈當作磁

汝有功舊 功舊當作舊功

鄭建充傳

知慶州 州當作陽

烏古論三合傳

再遷太子少詹事 案表大定四年奉使高麗傳略

贊 自收國用兵至於大定和宋以前用命之士雖細必錄 案文云云何以完顏渾黜完顏蒙括烏林荅泰欲耶律馬五韓常等不立專傳

蕭仲恭傳

宋人意仲恭耶律余睹 恭下當加與

領三省事 案海紀天德元年十二月罷傳略

蕭拱傳 案此傳止敘海陵納妃穢事當削

戒傳者曰 傳已作使

蕭仲宣傳

卒六十四 六上北有年是

高松傳

阿瑣 瑣當作璋

光英傳

養于同判大宗正方之家 方卽阿里補子見本傳

應國爲杞國 案大金國志應天門改爲通天當亦此時
事傳略

宋亦改光州爲蔣州光山縣爲期思縣光化軍爲通化軍
云 案宋地志合 案此光化軍宋隸襄陽與隨州之
廢光化縣不同

元壽傳

天德元年 元當作二

矧思阿補傳

本欲殺汝 殺元作授非

卷八十三

張通古傳

除中京副留守 案偽齊錄廢齊後差除爲行臺右丞傳略

極力辨止 止當作正

子沈 案通古子孫不肖見趙賊傳

張浩傳

遼陽渤海人 當作渤海遼陽人 案辨謫已見高彪傳

又高楨高德基高衍同

兼侍中 當作兼中書令

海紀

進拜左丞相 此下當加兼侍中

海紀

海陵時時使宦者梁琬 北盟會編紹興三十一年七月

崔涉上兩府劄子金主新修燕京大內將畢復勅修京

師其委任丞相張浩彈壓官統軍駝滿俄里衍提點官

係內官梁大使

子汝爲 部曲錄張汝爲字仲宣汝霖之兄浩長子石琚

榜及第葛王立貶爲庶人次年復官除戶部侍郎

汝能 案中州集張汝霖傳作汝翼

汝方 王庭筠傳與祕書郎張汝方品第法書名畫卽此
汝猷 卽仲謀見章紀明昌三年

張汝霖傳

字仲澤 部曲錄汝霖字仲澤遼陽人太師浩之子亮時
特賜及第尋復正奏名在翰林院葛王立遷吏部侍郎
兼禮部郎中 案表大定十三年八月以國子司業兼尙
書戶部郎中爲賀宋生日使與傳厯官不合

若治丞者 治已作右

蓋七月七日爲係景祖忌辰 祖當作宣 案太宗紀天
會二年七月壬午皇子宗峻薨是月丙子朔壬午正七
日也

更用五月 五當作正

今與宋構好日久 構當作講

完顏守道 道當作貞

傳

如能斟酌得中 斟當作斟

張元素傳

元素在東京 此上當加前

張汝弼傳

初以父蔭補官 官北作軍非

起復吏部郎中 此下當加使宋還表

耶律安禮傳

未嘗一日怠溫清 清北作清

明年冬爲宋國歲元使 冬當作夏 歲元當作生日表

被詔治鞠 治鞠當作鞠治 鞠元作鞠非

納合椿年傳

改祕書監 案椿年有上壽太后致祭裴滿達等事傳略

正隆初 當作貞元初 案下文遷猛安奉山陵拜參政

等事海陵兵志皆係貞元間

箕室後賜名良弼至號賢相焉 二十二字當削 案良

弼自有傳

椿年薨 椿年當削

溫都思忠子長壽 子當作孫

食志

祁宰傳 案淦水集有祁忠毅傳卽史傳所本也

已歲自刑 案此指辛巳歲爲正隆六年紀宰殺于四年

此預計耳

綦戩 部曲錄字天錫山東膠東人少被虜亮特賜及第

授應奉翰林文字葛王立遷待制

尙書省椽 椽當作掾

伏見故贈資政大夫祈宰 祈當作祁

卷八十四

目 耨盃溫敦思忠注子乙 乙當作謙

奔睹 當改作昂

杲傳

使撒离喝總之 李心傳建炎以來繫年要錄紹興元年
更以副統撒离喝爲陝西經略使即此說見潛研堂金
石跋尾都統經略郎君碑

連破吳玠諸軍于饒風關 案宋高紀紹興三年云四川
大震卽此

擒其兩將撒葛祝等 將下當加還 等下當加又 案
順文讀之似所擒卽撒葛祝矣有是理乎此史官失檢
句法或係鈔脫

天眷二年 二當作三

擊走朱軍 案是時同州李世輔有獻甲劫執事見穀英
門都等傳此諱

與其子宗安 熙紀皇統八年以大理卿爲高麗封冊使
潞王幹者孫耶魯 潞已作魯

宮爲營葬 此下當加圖像衍慶宮

其盜溫敦思忠傳 案攷異以爲四字姓非也今攷官志

吏部白號之姓溫敦

烏春傳後為溫敦氏

次在徒單後耨盭

遼國語解

耨盭後耨盭后土稱度母稱

次在撒合烈前不相連續且史中以姓

為名者非一如夾谷必蘭

宣紀興定四年

完顏蒲察

又九月

烏古

論蒲鮮

哀紀天興二年

唐括唐古出

河渠志

徒單烏古論

昭后傳

完

顏移刺屋

烏延吾里補傳

耶律納合

安禮本傳

完顏移刺古

移刺徒道傳

徒

單移刺古

幹勒忠傳

移刺粘台

白華傳

古里甲蒲察

郭文振傳

蒲察

移刺都

本傳

阿勒根兀惹

官奴傳

木虎移刺荅

鶴壽傳

皆是此

或一人而兼兩姓也

思忠與烏林荅贊謀

節要烏陵思謀者本北遼合蘇款

女真居遼地俗呼熟女真知陝西熟番戶是也女真烏

陵之姓最微賤小名撒盧拇女真初起時思謀方賣柴
爲粘罕得之嘉其爲人遂以其弟石窟馬之乳母妻之
命爲都提點思謀奸狡多智善以周身女真之中素稱
辨黠機術至深可取粘罕用之爲心腹宣和間往來奉
使作計議使燕地賦稅及舉兵南侵等事皆預其謀爲
用事之人後以門下被掠人洛陽進士吳玠蘇闡立名
曰思謀字仲遠粘罕以思謀累充奉使有勞令樞密院
白身差權太原少尹

楊抄潤色 抄已作朴

與習泥烈僧行 僧字當削

元帥府在陝西有 有已作者

爲行臺尙書左丞 此上當加齊國廢 案僞齊錄廢齊

差除云

因構謨殺之 構當作構 謨上當加贊

大德三年 當作貞元元年

貞元二年 貞元當削

契丹撒八斡窩果反 斡窩當作窩斡

張浩進言被杖 案浩之進言不及思忠遠甚安足計哉

必有附會

與思忠有隙 當作思忠與有隙

耨盪溫敦謙傳 案交聘表正隆四年十二月乙丑大興

少尹耨盪溫都謙爲宋弔祭副使卽此傳脫載

癸巳 巳作辛卯

延燒太和神龍殿 案世宗紀有厚德殿無神龍殿

耨盪溫敦兀帶傳 案章紀泰和四年八月有溫敦按帶

乃溫敦氏者爲別一人

轉行臺右司郎中 此下當加使宋 案表在天德四年

傳略

侍郎敵斡郎中骨赧 案上文彥忠兀不喝有傳此二人

未詳

昂傳

太祖平燕策功賜甲第一區 十一字當改入下其事遂

定文下 案平燕在天輔七年不得倒敘六年文上

趙鈴轄 卽趙世昌見移刺成傳

海陵庶人從母姊也 姊當作女 案据下汝弟文改

高楨傳

判廣甯尹 見刑志

謀克別木者 木元作术是

白彥敬傳

初名彥恭避睿宗諱改焉 睿當作顯

張景仁傳

字壽甫 部曲錄張景仁字受甫廣甯人劉仲淵榜別試及第久在翰苑葛王立除侍讀學士 歸潛志予高祖南山翁女長姑及笄將適人一時貴顯者爭求之翁皆不許張御史景仁時在布衣以所業詣翁翁嘉之俄翁爲有司取士張賦甚佳爲鄰坐者剽之盡坐同而黜已而翁知其然遽以長姑嫁焉家人輩皆愠翁不恤也後三年翁復爲有司御試張擢別試魁驟歷清華以文章顯當世 案傳累官文上太略故採入

宋國書中有寶鄰字 案歐陽修集賀契丹正旦書云玉

歷正時布王春而茲始寶鄰敦契講信聘以交修此類甚多弔伐錄天輔七年三月宋國書云永洽鄰歡四月回宋書云得親仁善鄰之美行程錄天會三年六月咸州謝表云祇造鄰邦會編七月告慶書云尤賴仁鄰之睦亦間有之大約自紹興稱臣後此字始革至大定稱姪宋人復有此語

景仁有文藝 集禮大定六年直學士撰尊號冊文十一年學士院又撰尊號冊文十九年禮部尙書撰孝成皇帝謚冊文

元忠尙豫國公主 卽魯國大長公主

卷八十五

永中傳

大定元年封許王五年判大興尹 集禮大定五年八月
十二日以判宗正英王文職從一品王爵正一品次國
判府皇子許王職正三品王爵正一品大國每遇朝參
不見如何班次下太常檢討唐宋公式親王大國許王
班位在次國英王上

進封趙王 此下當加授猛安

紀

拜樞密使 案世宗紀大定十四年有買馬事傳略

視章宗 此上當加護

進封漢王 元文類元好問右丞相耶律履碑云章宗朝
太府少監孛特里爲漢王長史吏卒苦其苛暴誣以怨
望語連漢王有司論當死公上封事言陛下飛龍之始
當以親親爲先孛特里之獄本出構成就使實如所論
猶當以漢王之故容之况疑似之間乎書奏卽日原之
案此事與下置王傳府尉官關照不容略去

再賜永中修公廨錢三百萬 案秋澗集上世祖書云昔
亾金世宗諸王有以不給而請告者世宗曰汝輩何騃
不知府庫之財乃百姓之財耳我但總而主之安敢妄
費世宗如此而章宗初年所賜金銀錢絹不下數十萬

大非祖訓矣致有後日之禍

初置王傅府尉官名爲官屬實檢制之也 十六字當改

入上而嫌忌自此始矣文下 初上當加丙午 案王

傅劉仲洙府尉裴滿亨見本傳

牽 已作牽

音郭

永中子孫禁錮 案官志巡把衛王鎬王兩宅有都鈴轄

四員興定三年設又把胡魯傳有巡護衛王宅都將把

九斤宣紀徙衛紹王鎬厲王家屬于鄭州在貞祐二年

五月至四年十月築垣牆于隙地又徙京師陵川集青

城行云城荒國滅猶有十仞牆牆頭密市生荆棘卽此

天興初詔弛禁錮 遺山集夾谷公銘明昌以來鎬厲王
衛紹王族屬皆終身禁錮男女幽閉絕婚嫁之望公建
言二族僇辱既久賤同匹庶就有詭謀誰與同惡宜釋
其夙怨宏以大度使之各就人道遂生化之性夫國君
不可以仇匹夫仇之則通國皆懼匹夫且然況骨肉乎
陵川集青城行云最苦愛王家兩族二十餘年不曾
出朝朝點數到堂前每向官司求米肉男哥女妹自夫
婦覩面相看冤更酷一旦開門見天日推入行間便誅
戮 案二族自天興元年四月甲子聽自便至二年四
月癸巳及難止三百三十日

永蹈傳

未期月 月字當削

以衛王永濟子按辰爲永蹈後 宣紀貞祐三年九月命
司屬令和尙護治鞏國公第上曰按辰所爲不慎或至
犯法舍之則理所不容治之則失親親之道但當設官
以防之耳官志有提控鞏國公家屬 案此文不應略
去

永功傳

好法書名畫 續夷堅志米元章華陀帖二十八字靖康
之變流落民間歷三四傳乃入越王府王懼爲內府所

收祕之二十年無知者泰和末都城間貫道與文士輩
請仙元章降筆貫道因問先生華陀帖神跡超越輝映
今古汴京破失所在先生于平日得意書定知爲何人
所祕願以見告卽批云當就越邸求之龐都運才卿王
妃之弟貫道以爲言才卿請于妃果獲一見王薨于汴
門禁隨廢文士得從王之子密公游往往見焉東坡夢
杜子美自解八陣圖謂爲書生習氣以此事觀非謊言
又遺山集寶章小集注云越邸有柳公權紫絲鞋歐陽
率更海上楊凝式乞花等帖

進封曹王 此下當加詔親視事以習爲政

紀

十七年授活活土世襲猛安 世宗紀在十一年

老嫗與男婦 此上當加有

其拷掠足以稱殺牛之科矣 拷已作拷

判中山府事 案王傳高竝

傳

初爲興陵崇妃養子 案章紀明昌四年四月幸崇妃第
必舍璐而立從彝爲孰輦後故此云初也此事在設府
尉官後在永蹈逆謀將發前章宗疑忌諸王已見于此
璫爲璐同父弟親見此事故密公終身以蒙晦自居

璫傳

本名壽孫

此下當加又名祖敬

碑

正大中進封密國公 初當作中 案遺山集九歌遺著
詩注云正大三年胙國公書則封密非初年矣此傳全
錄歸潛志文因承其謬

璫乃盡載其家法書名畫 雲煙過眼錄喬仲山藏李伯
時女孝經後有大金密國公樛軒收附題字遺山集摘
瓜圖詩題云樛軒家物困學齋雜錄喬仲山藏有郭忠
恕飛仙故實宣和印樛軒題潛溪集蘇長公書眉子石
硯歌一卷後題開府密國公家藏後有跋末書樛軒二
字

永德傳

大定二十五年 定下當加十七年封薛王

二十七年封薛王明年除秘書監 十三字當削

三年進封幽王 三當作二

永成傳

母昭儀梁氏 五字當削 案文已見提綱

王彥潛 部曲錄河間人宣時狀元及第是年出文以足
言行乃遠賦葛王立除翰林待制

十六年 案世宗紀是年有徒軍妃以姦伏誅事傳略

坐率軍民圍獵解職 章紀明昌元年正月丁巳制諸王

任外路者許游獵五日過此禁之二月詔出獵毋踰本

境

諡曰忠獻

此下當加子瑋瑋

案見宗室表又宣紀貞

祐四年二月壬子任國公瑋薨傳失載

有文集行于世云案章紀泰和四年二月己亥命購豫

王遺文傳略

允升傳

改名永升四字當削

授山東西路按必出虎必刺猛安按必出虎之必當削

改封曹王此下當加奉命宴賜北部六年七月上幸其

第

李愈傳
章紀

上親臨奠 此下當加子璉 案見宗室表

卷八十六

李石傳

天眷元年 已作天會十五年

直起中都 起元作赴是

衛紹王永濟 此下當加潞王永德

九年進拜太尉尙書令 九已作十 范成大攬轡錄見

金主之日略得其廷臣名氏曰領省太尉尙書令李石

元妃之父也稱皇丈人起復左丞相紇石烈良弼右丞

相紇石烈志甯左右平章完顏合喜完顏夕刺左右丞

石琚孟浩並兼太子師傅參政魏子平完顏德受左右
宣徽使敬嗣暉耶律沒同知宣徽院韓綱殿前都點檢
完顏習列左右副點檢烏古論忠弼烏古論元忠判宗
正受王不知其名吏部尙書王宇戶部耶律道禮部楊
伯雄兵部高壽星刑部高德基工部張恭愈御史中丞
李天瑞工部侍郎張汝霖侍御史完顏德溫梁肅翰林
待制鄭子聃祕書監楊邦基太府監兼客省使梁彬都
水監耶律寶大理卿李昌國閤門使盧珙內藏庫使兼
國子監祭酒王可道左司員外郎張汝弼右司張亨兵
部郎中田彥皋族帳部曲錄李受渤海人葛王母舅

嘗爲參政

有司謂兵爲國根本 國下當加家

趣有司拯問 拯當作按

達可 達北作達非

李獻可傳

累官戶部員外郎 此下當加明昌初爲右司諫 案孟

鑄傳明昌元年御史臺奏薦戶部員外郎李獻可詔除

右司諫據此則下文坐事乃由司諫矣傳脫載

完顏福壽傳

授定遠大將軍 大北作太非

獨吉義傳

上嘉納之 北無嘉字非

充護衛 充北作克非

烏延蒲轄奴傳

詔益兵七千 案此與蒲离黑並見合住傳前傳統兵救

德順州宋吳璘初圍德順時事此慶陽請益兵乃再圍

德順時事

烏延查刺傳

烏延查刺銀青光祿大夫蒲轄奴子也 十五字當削作

查刺

人號爲鐵簡萬戶 中州集密國公璫黃華古柏詩注云
鐵簡萬戶以神射名天下卽此

宗亨軍來援 亨當作敘

李師雄傳

齊廢爲汴京馬軍都虞侯 案僞齊錄差除合

尼厖古鈔兀傳

由胡陵 由北作田非

副統渾 此下當加坦 案世宗紀大定元年十一月癸

未及吾札忽傳皆作僕散渾坦

思敬爲東京留守 東當作北 傳

北路招討使 五字當削

李木魯定方傳

材勇絕倫 案下文云世襲猛安此上失載先世事

擢殿前右副點檢 此下當加使宋還

蒲察幹論傳

石抹突剌 突上當加木

紀

突剌使士卒下馬 突上當加木

突剌進逼之 突上當加木

夾谷查剌傳

父謝奴官至工部尙書 此下當加自有傳

改左衛將軍 此下當加使宋還表

如此才鮮矣 才元作者是

卷八十七

紇石烈志甯傳 族帳部曲錄主兵官紇石烈志甯字從
道以護衛將軍出身授保州同知因窩斡逼燕山召爲
右翼統軍旣滅窩斡□□□□□□□□□□□□□□
爲人有兀朮風氣

上京胡塔安人 安上當加猛

爲西北面都統 西字當削

扎八乃勸之 乃當作反

與萬戶夾谷清臣 與當作令

陷靈山同昌慶和三縣 慶當作惠

志甯復敗之 志甯當削

遂陷宿州 當作勸攻宿州

謀克賽一 至 遂原其死 四十三字當削 案閒文無謂

世輔自以爲得志日與括里扎八置酒高會 自以爲三

字當削 括里二字當削

世輔乘夜脫走 此下當加遂復宿州

徒單克甯取盱眙 此下當加及

猛安三百貫 至 七十貫 三十七字當削 案亦閒文

志甯召至京師 志甯當削

志甯復還軍 志甯當削

僕散忠義傳 繫年要錄作僕散權中興禦侮錄作大懷

忠

元妃之兄也 案元妃紀傳皆無攷惟集禮大定二年追
封故夫人僕散氏爲元妃說見昭德后傳

攻大明府 明元作名是

賞馬五匹 至 領親軍萬戶 十九字當削

超甯遠大將軍 甯當作安

承其父 三字當削

在郡不事田獵燕游以職業爲務 十三字當改入上公

餘文上

再徙濟南尹 此下當加使宋還

表

兵久不決 四字當削

賊得水草善地

至

賊軼出山西 二十三字當削

軍中將士有犯連職之外 案連字未詳疑有譌

忠義追之 忠義當削

窩幹既敗遂入于奚中 九字當削

高忠建敗奚于栲栳山 敗上當加復

自海陵遇弒

至

及窩幹敗 二十二字當削作自窩幹敗

傳位于宗室子昝是爲宋孝宗 十二字當削作傳位

忠義將行陛辭 將行二字當削

宋宣撫使張浚復書志甯曰 十一字當削作宋復書曰

請隳其城 至 芻牧許汝間 九十四字當削改作宋人燒

夷方城葉縣以來田野忠義命芻牧許汝間俟來歲取

淮南

忠義入奏事 忠義當削

無何還軍中 五字當削

與宋相持日久 六字當削

使人還汴 人還汴三字當削

忠義還 此下當加軍

宋同知樞密院事洪遵計議官盧仲賢 十五字當創作

宋洪遵盧仲賢

報書期十一月 至請俟十一月行成 二十六字當創作

報十一月行成

以其事馳奏 以其事三字當削

世宗以詔諭之曰 七字當創作世宗詔曰

前後凡七 四字當削

忠義移大軍 至宋人懼 二十八字當改入下乃定南界

官員百姓歸附遷賞格文下 案此据中興禦侮錄

先是忠義乞增金銀牌至銀牌各一 八十一字當削改

作遂增給元帥府以下金銀牌

乃定南界官員 乃當作并

元帥府護宋謀人至中更洪遵湯思退 八十七字當削

於是宋知樞密院周葵同知樞密院事王之望書 十九

字當削改作於是宋周葵王之望書來

大定五年正月魏杞康潛入見 十二字當削作五年正

月入見

其存留馬步軍 存留當作留屯

是月薨 是當作二 案沂公之將材相業不下裴令公

當史局者幸得備員載筆諒必粉墨碑本妄思作一篇
極大文字無奈筆力冗弱不覺滿紙蕪詞或問冗弱在
何處荅曰元妃不係何宗符忠不見處置在郡移軍二
段倒敘此筆弱也兵久不決與下久無功語複入于奚
中與上遁入奚中語複還軍中與下忠義還語複此筆
冗也至于賞馬牛得水草海陵遇弒泗壽隰城以及請
牌獲諜等文皆所謂蕪詞也

徒單合喜傳

眞元二年 眞元作貞是

乃解初德順在圍中至蒲里海之功爲多 四十字當削

改作城中猛安溫敦蒲里海身先力戰其功爲多

斬首五千餘級 千北作十非

吳璘聞赤蓋速魯改 蓋下當加胡

駐水洛城東 案水洛城宋屬秦鳳路慶厯中築今在甘

肅靜甯州西南

猛安階昭毅以下 至 贈官賜錢有差 一百九十字當創

作賜官遷賞有差

十年薨 十下當加一 紀

卷八十八

紇石烈良弼傳 繫年要錄作師顏

必令良弼傳旨 良弼當削

詔良弼 良弼當削

就以良弼爲南京留守 良弼當削

世宗謂良弼曰 良弼當削

世宗謂良弼曰 良弼當削

以母憂去起復舊職 案文與攬轡錄合

以問宰相良弼 良弼當削

視其當不 不當作否

徙居烏古里石壘部 八字當改作徙置上京濟州等路

案預亂者徙濟州路詳唐括安禮傳自屬十六年事

世宗紀十七年詔書云已行措置是也若徙烏古里者
乃不預亂之人爲十七年後事無因雜入兵志可以渾
言之傳文自當分別方與上文分散逆黨合

堯有九年之水 案此堯字與上封宗國公之宗字全不
避諱下石琚傳亦有堯親九族字可知大定時法尙寬
大定十五年圖像衍慶宮謚武定 十三字當削 案此
乃志甯傳文誤入者

完顏守道傳

守道 守上當加完顏

乃祖勲在王室 室北作宗非

因陳請手接書事 手當作免

特賜宴於慶春殿 春當作和

石琚傳

字子美定州人 部曲錄石琚字子美中山人宣朝狀元
及第是年出君子能近人之情賦題葛王立除參政

沉厚好學父皋 父皋二字當改入沉厚文上

唐縣人王八謀作亂 案續夷堅志載石公陰德事與此
不同

擢左諫議大夫 案世宗紀大定二年八月詔廉察河北

東路傳略

拜參知政事 案紀四年五月己酉命北郊禱雨傳略

丁母憂尋起復 案紀六年十一月丁卯罷七年正月辛亥起復凡四十五日

蔚州采地輩役數百人琚奏之 案紀八年作上諭云云小異

會傳戢劉宣 傳北作傳非

堯親九族 堯紀作陶唐

琚嘗舉室紹先 室上當加宗

顯宗亦思之因琚生日寄詩以見意 詩見中州集一卷

唐括安禮傳

大興府獄空 玉堂嘉話燕城西南門曰端禮有大定末
劉無黨所撰左丞唐括安禮碑有云尹大興時迎午休
吏燕雀語堂下人不知有官府之詞

拜參知政事

五字當改入上七年文上

紀

部曲錄唐

括安禮字仲和亮之妹婿也自陝西總管入拜參政極
能文知兵

罷爲橫海軍節度使

北行日錄乾道五年十二月十八

日聞接伴使安德之兄安禮罷爲滄州刺史初安禮娶
金主之妹妹死欲妻以女辭以不當復娶妻姪強之不
可金主怒以抗勅坐之 案本傳略去

張滿餘慶 張元作裴是

上京濟利等路安置 利當作州

駙馬都尉賽一昭武大將軍朮魯古金吾衛上將軍蒲都

案卽忠義傳之蒲睹賽里朮魯骨

移刺道傳

還本部郎中 還元作遷是

頃之 頃元作須非

爲同知北京轉運使 使元作事

道往山東 道下當加使朱還

上曰箠楚之下 上元作二非

民業尙未獲舊 獲元作復是

卷八十九

蘇保衡傳

雲中天成人 雲中當作西京 部曲錄蘇保衡雲中人

亮寇淮爲水軍都統葛王立除右丞跋一足矣

被讒構下獄且死 構當作搆 且當作幾

入爲太常卿遷禮部尙書 十字當削 案兩官皆傳愼

微事

拜參知政事三年 三年二字當改入拜字上

翟永固傳

中都良鄉人 部曲錄翟永固燕山良鄉人亮與葛王時
皆爲相

以燕歸宋 此下當加因隨入宋

金破宋 金當作及

考試貞元元年進士 元年當作二年

與直學士韓汝嘉俱召至內殿問以將親伐宋事 槿史

金國正隆丁丑之明年夏五月召李通及翰林學士承
旨翟永固宣徽使敬嗣暉翰林直學士韓汝嘉入見燕
風殿問曰朕欲遷都于汴遂以伐宋使海內一統卿意
如何通以天時人事不可失機爲對亮大悅永固卻立

楹間亮顧見之問之故徐進曰臣有愚慮請殫一得本朝自海上造邦民未見德而黷兵是聞皇統亦知其不戢之自焚也故雖如梁王之武毅猶以和爲長策今宋室偏安天命未改金縉締好歲事無闕遽欲出無名之師以事遠征臣竊以爲未便兼中都始成未及數載帑藏虛乏丁壯疲瘁營汙而居是欲竭根本富庶之力以繕征戰邱墟之地尤爲非宜臣事陛下不敢不以正對因伏地請死亮以問暉汝嘉暉是通汝嘉是永固亮大怒拂袖起傳宣二臣殿側聽旨繼而召翰林待制綦戩講漢史戩及陸賈新語事亮怒稍霽乃赦之明日通爲

右丞暉爲參知政事永固遂請老又明年左丞相張浩及暉與叛臣孔彥舟內侍梁漢臣卒營汴焉帝艱之禍寔昉此汝嘉又二年來盱眙傳命諭卻我使人徐嘉等歸而微諫竟不免戮 案中州集韓汝嘉有傳

海陵朝永壽宮 永壽當作壽康 案傳據太后本稱其地乃壽康也

魏子平傳

宏州人 部曲錄魏履元奉聖州人狀元石琚榜葛王立除參政

爲賀宋主生日副使 魏郊錄文見交聘表

海陵不悅

此下當加四年權右司郎中

墓銘

澤州刺史劉德裕祈州刺史斜哥

至

遂降詔焉

八十五

字當改入上用此優卿耳文下

祈當作祁

案世宗

紀此事係六年九月不應反在八年拜參政後豈降詔在八年後耶

孟浩傳

充行臺吏禮部郎中

此下當加爲賀宋生辰使

繫年

要錄紹興十四年夏金以大理少卿孟浩爲賀生辰副

使案是歲甲子爲皇統四年傳略

皆松年等構成之

構當作構

惟浩與穀兄穀王補馮煦王中安在 案上云孟浩等三

十四人又云浩等三十二人此所載五人外可攷者復

有李之翰

中州集

王仲通

同上

馬柔德

馬百祿傳

任才珍

遺山集任君弼

數人

詳金源雜興黨錮詩注

部曲錄田穀廣甯人狀元名琚榜

及第亶朝坐欺罔黨錮貶爲庶人葛王復官除工部員外郎 王中安見王賁傳

梁肅傳

宛平趙植上書 案秋澗集盧龍趙氏家傳云植字景道

明昌中號建春徵君者卽此

守道自濱州刺史 濱當作薊

肅中都轉運副使 中上當加自

四年通檢東平大名兩路戶籍物力 案食志十五年有

命肅推排事此殆爲副使耶而下濟南尹文反略

河決李固 此下當加渡

改大理卿 案攬轡錄大定十年爲侍御史集禮雜錄有

十三年十二月二十三日大理卿梁肅議秋冬行刑事

傳並略

與釘琰匠 琰當作鉸元作校亦非

移刺慥傳

大凡二千一百九十餘 餘下當加條

摘徙山東猛安

至

置牛給之 三十七字當改入下遷刑

部尙書文下

案官志係二十二年不應在十九年文

上

兼同修國史

此下當加使宋還

移刺子敬傳

移刺因

因當作固

案此卽耶律固見蕭永祺傳

遷翰林待制

待北作待非

起居注如故

案世宗紀大定七年閏七月戊申詔經略

北邊傳略

出爲河中尹

此上當加使宋還

卷九十

趙元傳

辟元爲本院令史 元字當削

元曰 元字當削

凡嘗仕宣和者皆除名籍 宋濂潛溪集義俠歌云德興
董國度其字爲元卿宣和舉進士籍籍多文聲初調膠
水簿其地近東溟居官未一載金人忽渝盟中原相繼
陷無由遂歸耕是時金人令南官不自鳴便差縣官縛
藁街受極刑云云亦是

授行兵部郎中 案僞齊錄廢齊差除杜宗爲兵部郎中

元乃後選者

行臺徙大名再徙邢州 案此乃以河南地與宋故也紀

志皆略

賦調兵食取辦 取當作趣

移刺道傳

本名按 案世宗紀大定八年十二月有定武節度當別
一人

改禮部郎中 案交聘表六年四月有右司郎中使高麗
事紀同惟攷年例不甚合然較之八十八卷者差近不
然則有三移刺道矣

石抹勒家奴 勒元作靳是 案石抹榮傳亦作靳

監邦彥 監當作權

高德基傳

命德基攝燕京行臺省都事 德基當削

十年改中都路都轉運使 十當作七

德基上疏 德基當削

自大定十一年八月 八已作十一

馬諷傳 部曲錄馬倖燕人石琚榜及第亮時爲御史中

丞葛王立爲御史大夫

入爲大理少卿 此下當加使宋

完顏兀不喝傳

吾始聞汝名 吾當作朕元本脫去

累遷右司郎中 海紀正隆六年作左司

賈少冲傳

調營州軍事判官 營州卽地志平州昌黎縣

上以意諭少冲 少冲當削作之

移刺斡里朶傳

囚得脫還 囚元作因是

阿勒根彥忠傳

七年 此上當加皇統

海陵庶人 庶人二字當削

度宜安置堡戍七 七當作十

紀

當使宋 案交聘表貞元元年彥忠以吏部郎中使高麗
此正隆二年又以戶部侍郎使宋傳並略

張九思傳

再遷大理少卿 此下當加使宋

紀表

世宗從九思議 九思當削作其

改工部郎中 案河志大定十二年詔太府少監監護工

作或卽此人

高衍傳

擬彥潛大榮 大元作天非

大奉國臣者 卽楊邦基傳之大興國奴

楊邦基傳

撞邦基面 邦基當創作其

乘德 乘當作秉

邦基降坊州宜春簿 邦基當削

丁緯仁傳

改祈州刺史祈州爲定武支郡 祈並當作祁

陝西西路轉運使 此上當加遷

完顏撒改傳

天德元年 德當作眷 案海陵于皇統九年十二月十一日改元天德僅二十日安得有下文郎君詳穩後爲萬戶戍邊爾許事據上睿宗爲右副元帥文當屬熙宗初年

二年 此上當加天德

海陵庶人 庶人二字當削

爲武震軍都總管 武震當作震武

龐迪傳

舉迪權知懷德軍 地志無此軍殆阜昌所立

已而權淮南東路馬步軍副總管 案此路亦阜昌名見

偽齊錄毛碩傳作淮東路

郡人立碑紀其政績 碑見金石文字記

七年 此上當加皇統

溫迪罕移室懣傳 此傳當改入忠義

定遠阿補 定遠武散官階名下安遠同文略欠明析

神土懣傳

率秦州兵 秦元作泰是

戰霽霖河 霽北作露非

移刺成傳

其苗裔曰董氈 宋史吐蕃傳唃廝囉者緒出贊普之後
名欺南陵溫鑓逋宋累授保順河西節度洮涼二州刺
史第三子董氈嗣 董氈傳母喬氏廝囉之妻九歲命
爲會州刺史其二妻李氏生瞻氈及磨氈角李氏寵衰
二子奔宋哥磨氈角終思州團練使子瞻撒欺丁爲順
州刺史磨氈角居龕谷授澄州團練使子木征居河州
母弟瞻吳叱廝囉地旣分木征最强獨有河北之地嗣
爲保順節度子簡逋比爲錦州刺史元豐四年以討夏
功封武威郡王養子阿里骨嗣 阿里骨傳爲河西節
度子瞻征嗣 瞻征傳卽邦彪鑓也爲河西節度嗜殺

部曲睽貳大酋欽氈并董氈疏族淡巴溫入青唐立木
征子隴拶爲主宋以隴拶爲唃廝囉嫡曾孫以爲河西
節度封武威郡王賜姓名曰趙懷德其弟邦辟勿丁唃
曰懷義後瞎征徙居鄧州 趙思忠傳卽瞎氈之子木
征也居安江城嘉祐中王韶經略熙河以熙甯七年舉
洮河二州來降賜以姓名拜榮州團練使弟董谷賜名
繼忠結吳延征賜名濟忠瞎吳叱曰紹忠巴氈角曰醇
忠巴氈抹曰存忠長子邦辟勿丁唃曰懷義次子蓋唃
曰秉義思忠後遷合州防禦使

李昌國等

國當作圖

案上文作圖粘葛幹特刺傳同

石抹卞傳

使人召卞卞不往 兩卞字並當削

卞爲武毅軍都總管 卞字當削 都下北有督非

至獎州 獎當作蔣 案宋改光州爲蔣州見光英傳海

紀同

劫卞還舍於獎水之曲 獎當作蔣

楊仲武傳

仲武與廊延路兵馬都監鄭建充俱降 仲武當削 充

北作克非已改

爲安塞堡 案地志堡屬延安府據官志此下當云部將

或隊將係鈔脫

乃從數騎 乃當作曾

及仲武至 仲武當削

乃舉酒酌天 天當作地

蒲察世傑傳

海陵篡位卽立以爲護衛 元本位作立無下立字是

海陵謂世傑曰 世傑當削

令伐兄弟有異志者 令伐元作今我是

郡人無長吏 郡人元作邢久是

使世傑領水軍百人 世傑當削

世傑以兵二百四十 世傑當削

世傑以刀斷其槍 世傑當削

宋兵捍絕樵路 樵北作修非

糴米麪 糴當作糴

蕭懷忠傳

奚人也 此下當加貞元初

初爲罪首 爲當作非

追復蕭懷忠禿刺幹魯保官爵 案文中惟師恭不書復

官以皇統逆黨故也

賁弟安州刺史賁求襲頤之謀克 賁求襲頤元北並作

頤求襲蹟是 部曲錄蕭頤契丹人右丞酈之弟爲京兆尹兼右翼都監

移刺按荅傳

入爲兵部侍郎 案表大定六年有使高麗事傳略能如卿乎 能上當加誰

孛術魯阿魯罕傳

忠義使阿魯罕往 阿魯罕當削

薦阿魯罕有才幹可任 阿魯罕當削作其

入爲吏部尙書 此下當加使宋還

表

召爲參知政事 案世宗紀大定二十八年四月丁丑拜

至八日庚辰罷吏員入相止此人

趙興祥傳

據郡作亂 郡北作群非

乃自柳城 案遼金志皆無此縣名此乃唐柳城縣卽本志北京興中府興中縣地若遼志南京道營州廣寧縣云漢柳城縣爲本志平州之昌黎縣地與此不同

轉右宣徽使 此上當加使宋還 案繫年要錄紹興十六年夏金遣同知宣徽院趙興祥賀生辰卽皇統六年也

石抹榮傳

宗室神谷 神谷當作谷神

榮就養於神谷家 神谷當作谷神

銀术可白 白當作曰

靳家奴前爲單州刺史 案事見移刺道傳

敬嗣暉傳 部曲錄敬嗣暉易州人石琚榜下及第亮時

爲宣徽使尋除參政亮廢貶爲庶人次年復爲宣徽使

久之拜參知政事正隆六年 十一字當改作正隆初使

宋三年拜參知政事六年 案交聘表三年有命諭夏

奏告使事傳略

惡嗣暉巧佞 嗣暉當削作其

嗣暉降通議大夫 嗣暉當削

尙食官 此上當加每月朔

卷九十二

毛碩傳

僚屬皆不能堪 僚北作遼非

碩以陝右邊荒 碩字當削

李上達傳

累東平府司戶參軍 累下當加遷

上達給軍須 達下當加降

上達隨地入宋 上達當削

上達爲同知大名尹 上達當削

上達到官 上達當削

猾吏不能欺 北無吏字非

曹望之傳

運米八十萬斛 此上當加又

工部郎中移刺道 案道傳作禮部

卽以五百里內軍大補之 大當作夫

要在平估而已 此下當加十一月爲賀宋正旦使

質身於東宮留守 宮北作京是

大懷貞傳

十八人 十上當加二 案据上亢宿加

盧孝儉傳

并人稱之 并當作秦

盧庸傳 案此爲章宣時人當改次蒲察移刺都傳後

邠爲阮塞 塞北作寨非

徒單克甯傳 宋作忠衛

構致其罪 構當作搆

詔克甯 克甯當削

克甯與善射二十餘人 克甯當削作乃

復追及賊于霭霫河 霭北作霧非

克甯令軍士 克甯當削作因

以平章政事僕散忠義 平章政事已改右副元帥

師將發 當作師自陷泉捷後 案忠義後有花道陷

泉之捷克甯以不與戰事無庸詳敘若不略用補筆止
云將發則下文聲言乞降有何關會列傳中此病甚多
未免草率

乃與克甯出中路 與克甯三字當削

克甯除太原尹 克甯當削

克甯至 克甯當削作既

於是克甯 克甯當削

曳一植木 一當作其

徹去沈船 徹當作撤

克甯麾兵前戰 克甯當削

克甯以猛安賽刺 克甯當削作復

及克甯取楚州 克甯當削

厯河間東平尹 間下當加尹使宋還遷

紀

嫁爲瀋王永成妃 瀋當作幽

克甯不悅 克甯當削作因

上將復相克甯 克甯當削作之

上謂克甯曰 克甯當削

十九年 當作二十年

克甯辭曰 克甯當削

克甯出朝 克甯當削作既

謂克甯曰 克甯當削

克甯於左丞相 於元作爲是

克甯復以年老爲請 克甯當削

上謂克甯曰 克甯當削

詔克甯 克甯當削

克甯表請立金源郡王爲皇太孫 克甯當削

出汝弼爲廣平尹 平當作甯

因使克甯輔導之 克甯當削

止五百萬貫 止元作正非

克甯社稷之臣也 克甯當削

克甯還朝 克甯當削

故克甯及之 克甯當削

及茶器刀劍等 刀紀作弓

上幸克甯第 克甯當削作其

克甯固辭 克甯當削

詔畫克甯像 克甯當削作其

謂克甯曰 克甯當削

詔克甯 克甯當削

詔克甯襄汝霖 克甯當削作與

徙封爲東平郡王 東當作廣

克甯固辭 克甯當削

必爲克甯設坐 克甯當削

進拜太傅 此下當加改封金源郡王

紀

故克甯言及之 克甯當削

明昌二年 二當作元

克甯頓首謝曰 克甯當削 案傳文四千餘言本名克

甯二字凡九十見可厭極矣今稍節去三十餘處尙未

言卷八
明淨也

是歲二月薨 當作明年正月薨

金史詳校卷八上

同治己巳十一月烏程汪曰
植校寫于紹興府城開元寺